

des im ze schaden mochte kommen. 5340
 der trôst was den zwein benomen:
 wand er lac lange âne sin. 5345
 nû riten wider ûf in
 die zwêne die noch werten,
 und pflâgens mitten swerten
 als guote rîter solten. 5350
 daz wart in wol vergolten,
 Wande ie sîn einer slac
 vaste wider ir zwein wac.
 er bedorfte wol kraft unde wer:
 wan zwèn sint immer eines her. 5355
 die vrouwen bâten alle got
 dazz sîn gnâde und sîn gebot
 in ze helfe kerte,
 und ir kempfen êrte,
 daz er in ze trôste si 5360
 ir gespiln erlôste.
 nu ist er sô gnædec und sô guot
 und sô reine gemuoit
 daz er niemer kunde
 sô manegem süzen munde
 betelichiu dinc versagen. 5365
 s. 200 auch wâren sî niuwet zagen
 die dâ mit im vähten,
 wande sî in brâhten
 in vil angstliche nôt.
 unde zwâre âne dem tôt 5370
 bekumberten sî in sère:
 dochn mohten si ime dehein êre
 vürnames an gewinnen.
 nû kom ze sînen sinnen